



TE WHAREKURA O KIRIKIROA

33 Fifth Avenue, Enderley
Hamilton
P.O Box, 14-133
Phone: 07 8556674
Email: admin@kikiriroa.school.nz

No. 3
20- Hui Tānguru 2025

TUIA TE RANGI E TŪ NEI, KO TE ATUA TŌ TĀTOU PIRINGA KA PUTA KA ORA. TUIA TE TE PAPA E TAKOTO NEI, KO TE ARIKINUI, KUINI NGAWAI HONO I TE POO POOTATAU TE WHEROWHERO TE TUAWARU, TAE ATU RĀ KI TE WHARE KĀHUI ARIKI. KA RONGO TE PŌ, KO NGĀ MATE TĀRŪRŪ NUI, KA RONGO TE AO KO TĀTOU TE HUNGA ORA, TUIA TE MUKA HERENGA TANGATA, TIHĒ MAURIORA

KAUPAPATAKA – CALENDAR OF EVENTS

Te Wiki me te Rā	Te Kaupapa	Te Wāhi	
5	24-28/02	<i>Te Matatini</i>	<i>Taranaki</i>
	24th – 25th	<i>Kua kati te kura</i>	<i>Te Wharekura o Kirikiriroa</i>

KIA MĀTUA TE REO MĀORI

Kia maumahara tātou, me kōrero Māori ki tō tātou kura. He ture tēnei mō ngā tamariki, ngā kaimahi me ngā whānau e tatu mai ana ki tō tātou kura.

Inā e warea ana koe ki te kōrero ki te reo Pākehā, me haere ki te tari. Kei reira te wāhi e āhei ana, kei wāhi kē atu i ngā taringa a ngā tamariki.

Another reminder to us all that Te Reo Māori is the Main language at our school. This is a rule for our children, all our staff and parents / grandparents, care-givers and visitors to our school. If you need to speak English, please go to the tari area. This is the only designated area in the school where English will be tolerated.

KAIMAHI - 2025

	TUMUAKI	<i>Anthony Walker</i>
TE REA	TE REA 1 – TAU 0- 1	<i>Kararaina Sikisini</i>
	TE REA 2 - TAU 1	<i>Keri Ann Hokianga</i>
	TE REA 3 – TAU 1- 2	<i>Denise Te Wake</i>
TE PUPUKE	AKOMANGA 4 – TAU 2- 3	<i>Liahona Broadhurst</i>
	AKOMANGA 5 - TAU 3	<i>Aroha Kingi</i>
	AKOMANGA 6 – TAU 3-4	<i>Renee Te Wano</i>
TE HIHIRI	AKOMANGA 7- TAU 4-5	<i>Noah Heta</i>
	AKOMANGA 8 – TAU 5-6	<i>Namaka Barclay-Kerr</i>
	AKOMANGA 9- TAU 6	<i>Rongomai Mohi</i>
TE MANAKO	AKOMANGA 10 – TAU 7	<i>Te Waikura Walker</i>
	AKOMANGA 11 – TAU 7	<i>Rangiunuhia Ngatipa-Foster</i>



TE WHAREKURA O KIRIKIRIROA

33 Fifth Avenue, Enderley
Hamilton
P.O Box, 14-133
Phone: 07 8556674
Email: admin@kikiriroa.school.nz

	AKOMANGA 12 – TAU 8-9	<i>Petiwaea Waitai</i>
	AKOMANGA 13 – TAU 9	<i>Kura Walker</i> <i>Kararaina Ruri</i> <i>Paumea Walker</i>
	AKOMANGA 14 – TAU 9-10	<i>Kura Walker</i>
TE WAANANGA	AKOMANGA 15 – TAU 11-13	<i>Mere Clendon-Smallman</i> <i>Kaharau Keogh</i> <i>Paumea Walker</i>
	KAIAKO REO PAKEHA TAU 6-12	<i>Kararaina Ruri</i>
	KAIAKO HĀKINAKINA	<i>Tim Tauhara</i> <i>Hikurangi Kokaua</i>
	KAIĀWHINA	<i>Kiara Paul</i> <i>Jay Leatherby</i> <i>Mihi Manawaiti</i>
	KAITAURIMA	<i>Daniel Kokaua</i>
	KAITIAKI TARI	<i>Krystene Te Moni</i> <i>Ngawai Reti</i> <i>Karma Newton-King</i>

POUKAI O HUKANUI MARAE

He tāwhara kai atua, mō te pani, te pouaru me te rawakore. Tū mai te poukai ki Hukanui marae. Koia te whakaekenga tuatahi o tō tātou Kuini Māori, Te Arikinui Nga wai hono i te po, Pootatau Te Wherowhero te Tuawaru.

Ka tahi ko te rangi ātaahua, te whakaemitanga o te iwi ki whāngai i te iwi ki ngā kai a te rangatira, ki ngā kai mō te tinana.

Kotahi atu a tātou tamariki hei ringa mahi, hei kanohi kitea.

E mihi atu ana ki a Matua Noah rāua ko Whaea Liahona, mō rāua te mahi nui ki te whakarite me te ārahi a tātou tamariki. Ka oti ki ngā kaiako hāpai.

Te Wharekura o Kirikiriroa is a Kura-ā-iwi endorsed by Ngāti Wairere. We are intrinsically linked through our collective responsibility to Manaaki our people. Poukai is an institute dedicated to this understanding. This year's Poukai was the 127th year and first time Te Arikinui Nga wai hono i te po, Pootatau Te Wherowhero te Tuawaru attended in her role as Kuini Māori.

A significant moment our tamariki will remember for a long time.

A special thanks to Matua Noah and Whaea Liahona in organising and guiding our tamariki in their duties as workers at the Poukai, alongside our other Kaiako who helped look after our tamariki.



TE WHAREKURA O KIRIKIROA

33 Fifth Avenue, Enderley
Hamilton
P.O. Box 14-133
Phone: 07 8556674
Email: admin@kirikiriroa.school.nz



NGĀ ŌRIMIPIKI O TE AO MĀORI – TE MATATINI O TE KĀHUI MAUNGA 2025

Tēnā tātou e te whānau.

Nau mai te rua tau, nau mai te tau o Te Matatini. Whakahihī pai te kura i te nui o ngā kaimahi me ngā tamairiki nō tō tātou kura e haka ana ki te atamira nui o te motu ki Ngāmotu hei te wiki e heke mai ana. He kura haka a Te Wharekura o Kirikiriroa, he kaimahi haka, ka mutu he tamariki haka a tātou. A kāti, nā te tokomaha o ngā kaihaka, tēnā kua hanga rerekē te wiki e heke mai ana. Pēnā ki ngā pānui nō ngā wiki kua hori nei, ka kati te kura a te Mane me te Tūrei. Ka hoki mai ngā tamariki Tau 1 – Tau 8 a te Wenerei ki te Paraire.

Mō ngā tamariki Tau 9 – 13, he puka mahi he mahi kei te ipurangi kua whakarite ake. Kua whakapātia ngā whānau o ngā tamariki nei, heoi anō kei te mōhio koutou i ngā tūnekehangā mā ō koutou tamariki. Me he pātai kē atu, tēnā whakapā atu ki ngā kaiako ō o koutou tamariki mō ngā whakamahukitanga. Ka mutu, me e haere atu ana ō koutou tamariki ki Te Matatini, tēnā whakamōhio atu ki o rātou kaiako koa.

Te Wharekura o Kirikiriroa is immensely proud of the fact that there are 21 of our staff and students who will be performing at this year's Te Matatini in Ngāmotu. Not to mention their parents, aunts, uncles and cousins who tutor, perform and cook for kapa haka all over the motu. Kapa Haka is a priority learning area in our curriculum as a part of the Pou Matua - Te Ao Māori.

This is another reminder further to our previous notices that due to the number of staff representing their iwi and kapa at Te Matatini, next week looks a bit different.

School will be closed next Monday and Tuesday. Kura will resume Wednesday for the remainder of the week for Year 1 – 8 students. Year 9 – 13 students have received their work packs and access to online mahi to work from home. Kaiako of senior students have already been in contact with whānau about how mahi will be completed for the week, so please if there are any questions or queries, please reach out to their teacher.

Should your child be attending Te Matatini, please let their Kaiako know.



TE WHAREKURA O KIRIKIROA

33 Fifth Avenue, Enderley
Hamilton
P.O Box, 14-133
Phone: 07 8556674
Email: admin@kikiriroa.school.nz

POUKAI O HUKANUI MARAE

I te ata Tūrei, rere atu ai tētahi rourou iti ki a Pōneke, ki te whare paremata mō te pānuitanga tuarua, me te pānuitanga tuatoru o te pire mō Ō-Rākau. He rā nui tēnei mō te waka o Tainui me ngā ahi e toru.

Ko Te Haenga Adams, ko Bailey Moke, ko Te Enuā Kokaua ngā ākonga, ko Matua Kaharau te kaitiaki. I tū ngā pihi, i rira ngā riri, i tangihia ngā roimata, i maringi te hūpē, ka mutu, i tau te wairua. Ka tahi ko te wheako nui ko tēnei.

Te Wharekura o Kirikiriroa is a Kura-ā-iwi endorsed by Ngāti Wairere. We are intrinsically linked through our collective responsibility to Manaaki our people. Poukai is an institute dedicated to this understanding. This year's Poukai was the 127th year and first time Te Arikimui Nga wai hono i te po, Pootatau Te Wherowhero te Tuawaru attended in her role as Kuini Māori.

A significant moment our tamariki will remember for a long time.

A special thanks to Matua Noah and Whaea Liahona in organising and guiding our tamariki in their duties as workers at the Poukai, alongside our other Kaiako who helped look after our tamariki.



NGĀ WĀ TĪMATA, WĀ OTI, WĀ WHAKAWĀTEA I TE KURA

Ka tīmata a Te Rea, Te Pupuke me Te Hihiri a te 8.30am i ia ata, a, ka mutu a te 2.30pm i ia ahiahi. Ka tīmata a Te Manako me Te Wānanga a te 9:00am, a, ka mutu a te 3:00pm.

Hāunga i ngā tamariki kei te Hōtaka Manaaki, kia kua a tātou tamariki e tae mai i mua i te 8am, a, kia kua rātou e noho hipa atu i te 3.30pm. Ka tīmata ngā hui a ngā kaimahi i tēnei wā.

Start times for Te Rea, Te Pupuke and Te Hihiri begin at 8.30am and finish at 2.30pm. Te Manako and Te Wānanga begin at 9:00am and finish at 3:00pm.

Apart from students on the before and after school programmes, children are not to arrive at school before 8am, and they are to be picked up or have left school by 3.30pm as duty teachers have their rauwaka hui at 3.30pm. For class schedules during the day, please ask your child's kaiako for a timetable.

Finally, whānau who have difficulty with these times, there is a before and after school programme option. Please see the office for more information



TE WHAREKURA O KIRIKIRIROA

33 Fifth Avenue, Enderley
Hamilton
P.O Box, 14-133
Phone: 07 8556674
Email: admin@kirikiriroa.school.nz

NGĀ UARA I TE KURA, O TE KURA

Koia nei ko ngā uara o te kura:

- Te Aroha
- Manaakitanga
- Hūmārie
- Whakatairanga
- Whakaute

Koia nei ko te tuāpapa hei whāriki mā tātou. Koia nei ko ngā whenu e paiheretia ai tētahi i tētahi. Koia nei ko ngā tikanga kawenga, tikanga whanonga i roto i te kura. Koia nei ko ngā uara e tohutohu ana i ō tātou mahi o ia rā, o ia rā.

Ka arohatia tō tātou kura. Ki te kuhu mai ki roto i ngā kēti o te kura, me whai i ngā uara nei.

Ahakoia katahi anō tātou kua tīmata, mate katoa tātou ki ētahi tāngata e kuhu poka noa mai me te takahi i ngā uara nei. Heoi anō, mō te tokoiti e kore rā e paku aro mai ki ngā uara nei, he pēnei te whakatau hei tiaki i ō tātou tamariki, hei manaaki i tō tātou kaupapa. Kei whatia ngā uara, ka rāhuitia ōkawatia.

Ka mutu, tēnā tātou e te whānau whānui, e kaha whakamana i ngā uara o te kura, e kaha whakatu i ngā take i mua i te kawenga mai ki te kura nei.

These are the values of our school:

- Te Aroha
- Manaakitanga
- Hūmārie
- Whakatairanga
- Whakaute

These values underpin the way in which we take care of our school. They inform and guide the expected professional behaviour of our staff, the expected behaviour of our children and the conduct of any others who come into our school. Everyone who enters onto school grounds is expected to abide by these values and act accordingly. Even though we have only just begun the year, we have been witness to a few incidents that do not align to these expectations. Please note, to keep our tamariki safe, the school will trespass any persons that do not conduct their behaviour in line with the schools' values and expectations.

For the overwhelming majority, we continue to thank-you in keeping our kura, tamariki and staff safe by also being vigilant.

UIUINGA MĀTUA

Pēnei i ngā tau kua hori, e tū ana tō tātou rangi uiuinga mātua hei te wiki e tū mai ana, te Wenerei te 14 o Pepuere. Ka waiho mā ngā kaiako ngā kōrero e tuku hei whakariterite i ngā hōtaka. Ka put ko te nuinga o ngā whakamahukitanga mā Class Dojo.

It is that time of the year where whānau are welcomed in to the school to meet and speak with your child(ren) teacher and discuss some goals for the year. Parent teacher interviews will take place next Wednesday the 13th of February.

Details particular to the class of your child(ren) will be sent out via Class Dojo.

NGĀ WHAKAMAHARATANGA - REMINDERS

- Me kōrero Māori mātua mā. Ka wātea te tari inā he hiahia nōu ki te kōrero Ingarihi.
- **Pōtae ia rā mō ngā wāhanga 1 & 4**
- *Update Contact Details – If your contact details have changed it is important we have the correct details in case of emergency*



TE WHAREKURA O KIRIKIRIROA

33 Fifth Avenue, Enderley
Hamilton
P.O Box, 14-133
Phone: 07 8556674
Email: admin@kikiriroa.school.nz

TE HURIHANGA WAKA

E mate anō tātou ki te whakamaumahara i ō tātou mātau, kia kua e tūngia ngā waka ki te huringahanga waka. Aua take anō rā, ko te haumarutanga a ngā tamariki ka tahi, ko te whakararu i ngā waka e huri haere ana i te hurihanga nei, me te aha, he kūare nā te mea he tohu kei te hurihanga e kī ana:



Me uaua ka kī ake ki ō tātou tamariki, ki ō tātou kaimahi kia whāia ngā ture o te kura, engari tē aro e ngā mātua.

Back to school and we are witnessing more and more parents parking on the round about, especially in the mornings when dropping off their children. Another reminder that this is a safety issue. Secondly, stopping on the round about holds up other moving traffic. Finally, there is a sign posted in the center of the round about in both te reo Māori and in English, therefore stopping on the round about is a choice whānau are deliberately making regardless of the safety issues.

Following school rules are expected of students, staff and whānau.

TE ARA PAE TAWHITI – HUI RAPUA TE ARA KI NTW

“Ko te pae tawhiti whaaia kia tata, ko te pae tata whakamaua kia tina!”

I te hiku o te wiki 3 i haere ngaa tuaakana ki te raa ‘Rapua te Ara’ ki Te Wharekura o Ngaa Taiaatea. I whai waahi ngaa aakonga o te tau 11, o te tau 12, o te tau 13 nooki ki te tuuhura i ngaa huarahi ki tua o te kura. I reira ngaa kaimahi noo BCITO, noo Te Puukenga, noo Te Waharoa, noo Te Waananga o Aotearoa, noo Te Whare Waananga o Wikitoria, noo Te Whare Waananga o Waikato, noo Te Whare Waananga o Akarana, noo North Power, noo Ngaati Tuumatauenga, noo ngaa Pirihimana aha noa atu, aha noa atu. I nui te kai o te hui nei, aa, he haakari raa. Miiharo ngaa uara me ngaa mahi a ngaa tuaakana, hoinaano i whai hua raatou. Me mihi ka tika ki te whaanau o Taiaatea, naa raatou te reo raahiri kia hui tahi raa. E te ringarehe o te kaupapa nei, ki a koe Whaea Mel, nei te whakamiha.

Kimihia, rapua te ara tika, hei oranga moou, hei oranga moo too iwi!



TE WHAREKURA O KIRIKIROA

33 Fifth Avenue, Enderley
Hamilton
P.O Box, 14-133
Phone: 07 8556674
Email: admin@kjkiriroa.school.nz



Aakonga: Shaune Hodges

Tau: 12

Ara Pae Tawhiti: Kei te hiahia a Shaune ki te ako e paa ana ki eenei kaupapa e rua. 1. Mechanics. 2. Barber.

E koorero ana a Shaune ki teetahi moo te mahi 'Hangarau Miihini – Mechanics'.

Aakonga: Zhariah Paul

Tau: 12

Te Ara Paetawhiti: Kei te hiahia a Zhariah ki te ako e paa ana ki eenei kaupapa e rua.

1. Kaitaraiwa Taraka. 2. Kaipaamu.





TE WHAREKURA O KIRIKIROA

33 Fifth Avenue, Enderley
Hamilton
P.O Box, 14-133
Phone: 07 8556674
Email: admin@kjkjkiroa.school.nz





TE WHAREKURA O KIRIKIROA

33 Fifth Avenue, Enderley
Hamilton
P.O Box, 14-133
Phone: 07 8556674
Email: admin@kjkjkiroa.school.nz

RĀ KAUMĀTUA – 09 PAENGAWHĀWHĀ 2025

RĀ KAUMĀTUA

09 Paengawhāwhā 2025



E NGĀ RŪRUHI, E NGĀ KOROHEKE
WHAKAKOTAHĪ MAI